

四庫全書

史部

# 欽定四庫全書

史部

稽古錄卷

十六至  
二十

詳校官修撰臣錢 榮

刑部郎中臣許兆椿覆勘

總校官原任中允臣王燕緒

校對官中書臣邱桂山

謄錄監生臣藍嘉璐

欽定四庫全書

稽古錄卷十六

宋 司馬光 撰

臣光拜手稽首曰臣聞商書曰與治同道罔不興與亂  
同事罔不亡終始慎厥與惟明明后周書曰我不可不  
監于有夏亦不可不監于有殷我不敢知曰有夏服天  
命惟有歷年我不敢知曰不其延惟不慎厥德乃早墜  
厥命我不敢知曰有殷受天命惟有歷年我不敢知曰

不其延惟不慎厥德乃早墜厥命蓋言治亂之道古今  
一貫歷年之期惟德是視而已臣性愚學淺不足以知  
國家之大體然竊以簡策所載前世之迹占之輒敢冒  
死妄陳一二夫國之治亂盡在人君人君之道有一其  
德有三其才有五何謂人君之道一曰用人是也蕞爾  
之國必有正直忠信之士焉必有聰明勇果之士焉正  
直忠信之謂賢聰明勇果之謂能彼賢能者衆民之所  
服從也猶草木之有根柢也得其根柢則其枝葉安適

哉故聖王所以能兼制兆民包舉宇內而無不聽從者此也凡用人之道采之欲博辨之欲精使之欲適任之欲專采之博者無求備於一人也收其所長棄其所短則天下無不可用之人矣辨之精者勿使名眩實偽冒真也聽其言必察其行授其任必考其功則羣臣無所匿其情矣使之適者用不違其才也仁者使守明者使治智者使謀勇者使斷則百職無不舉矣任之專者勿使邪愚之人敗之也苟知其賢雖愚者日非之而不顧

苟知其正雖邪者日毀之而不聽則大功無不成矣然  
後為之高爵厚祿以勸其勤為之嚴刑重誅以懲其慢  
賞不私於好惡刑不遷於喜怒如是則下之人懷其德  
而畏其威樂為用而不敢欺譬如乘堅車御良馬執六  
轡奮長策以立於康莊之塗惟意所適安有不至者哉  
此人君之要道也何謂人君之德三曰仁曰明曰武仁  
者非嫗煦姑息之謂也興教化修政治養百姓利萬物  
然後可以為仁明者非巧譎苛察之謂也知道義識安

危別賢愚辨是非然後可以為明武者非强亢暴戾之  
謂也惟道所在斷之不疑姦不能惑佞不能移然後可  
以為武是故仁而不明猶有良田而不能耕也明而不  
武猶視苗之穢而不能芸也武而不仁猶知穫而不知  
種也三者皆備則國治强闕一則衰闕二則危皆無一  
焉則亡此人君之三德也何謂人君之才五曰創業曰  
守成曰陵夷曰中興曰亂亡創業者智勇冠一時者也  
王者經綸之初土無定所民無定分英雄相與角逐而

爭之才相偶則為二相參則為三愈多則愈分故非智  
勇冠一時莫能一天下也守成者中才能自脩者也王  
者動作云為得之近而所利遠失之微而所害大故必  
兢兢業業以奉祖考之法度弊則補之傾則扶之不使  
耆老有歎息之音以為不如昔日之樂然後可以謂之  
能守成矣陵夷者中才不自脩者也習於宴安樂於怠  
惰人之忠邪混而不分事之得失置而不察苟取目前  
之佚不思永遠之患日復一日使祖考之業如丘陵之



勢稍頽靡而就下曾不自知故謂之陵夷也中興者才過人而善自強者也雖以帝王之子孫而能知小人之艱難盡羣下之情偽其才固已過人矣又能勤身克意尊賢求道見善則遷有過則改如是則雖亂必治雖危必安雖已衰必復興矣亂亡者下愚不可移者也心不入德義性不受法則舍道以趨惡棄禮以縱欲讒諂者用正直者誅荒淫無厭刑殺無度神怒不顧民怨不知如是而有敵國則敵國喪之無敵國則下民叛之禍不

外來必自內興矣此人君之五才也夫道有失德故政有治亂德有高下故功有小大才有美惡故世有興衰上自生民之初下逮天地之末有國家者雖變化萬端不外是矣三王之前見於詩書春秋愚臣不敢復言今採戰國以來至周之顯德凡小大之國所以治亂興衰之迹舉其大要集以為圖每年為一行六十行為一重五重為一卷其天下離析之時則置一國之年於上而以朱書諸國之君及其元年繫於其下從而數諸國之

年則皆可知矣凡一千三百六十有二年離為五卷命  
曰歷年圖敢再拜稽首上陳於黼扆之前庶幾觀聽不  
勞而聞見甚博善可為法惡可為戒知自古以來治世  
至寡亂世至多得之甚難失之甚易也恭惟國家承百  
王之弊接五伐之亂寓縣分裂干戈日尋藩臣驕恣元  
元憔悴太祖宵衣旰食櫛風沐雨勤求賢俊明慎誅賞  
收支郡任文臣以消方鎮之權舉公廉除貪污以厲州  
縣之吏選精銳嚴階級以治戰鬪之士省賦役恤刑罰

以撫農桑之民內政既成乃脩外事近者既悅乃詰遠人故傳檄而下荆湖顧盼而克巴蜀叱咤而平嶺表指麾而定江南大勲未集太宗繼統述脩前緒闔越句吳皆獻地入朝西登太行而晉人自縛蓋自宋興二十年然後大禹之迹復混而為一以至於今八十有五年矣朝廷清明四方無虞戎狄順軌羣生遂性民有自高曾以來未嘗識戰鬪之事者蓋自古太平未有若今之久也易曰君子安不忘危存不忘亡治不忘亂周書曰制

治於未亂保邦於未危今人有十金之產者猶知愛之  
況為天下富庶治安之主以承祖宗光大完美之業嗚  
呼可不戒哉可不慎哉

稽古錄卷十六

欽定四庫全書

稽古錄卷十七

宋 司馬光 撰

庚申 太祖建隆元年

正月甲辰上受周禪奉周帝為鄭王  
乙巳改元大赦 契丹寇定州邊

將擊却之 二月尊太夫人杜氏為皇太后 三月  
辛酉追尊高祖曰僖祖曾祖曰順祖祖曰翼祖考曰

宣祖 四月浚蔡渠 李筠叛降河東襲澤州殺刺  
史張福而據之癸巳詔石守信等諸軍討筠 五月

己亥朔日食 己未上自將討李筠 河東主劉鈞  
軍于太平驛遣其平章事衛融宣徽使盧贊將兵救

筠筠帥其衆南下與石守信等遇于長平守信等大  
破之盧贊溺死筠走保澤州諸軍進圍之 六月己

已朔上至澤州辛巳克之筠自焚死復衛融釋之乙酉上進攻潞州丁亥筠子守節以城降釋之河東主筠聞之遁歸折德辰破河東沙谷寨七月戊申上還至東京八月甲申立夫人王氏為皇后九月李繼勲擊河東焚平遙李重進叛降江南江南主李景不敢受己未詔石守信等諸軍討之甲子縱邊將所獲河東民數萬口還其國高保融卒弟保勗襲位十月河決厭次晉州鈴轄荆罕儒襲河東汾州戰沒庚寅上自將討李重進十一月丁未上至揚州即日克之重進自焚死乙卯江南主李景遣其臣嚴續來犒師庚申復遣其子二從鑑入貢十二月丁亥上還至東京二月正月發許民夫數萬導蔡渠入于潁二月發曹單民夫數萬浚五大渠江南主景遷都南昌三月丙申內酒坊火河東寇麟州四月癸巳朔日食六月甲午太后杜氏崩江南主景卒于南昌子煜立七



月以喪還金陵 八月詔李懷節執孫行友送闕下  
九月甲子契丹嘉哩等來降 十月丙午葬明憲

皇后于安陵 詔竊三 正月甲戌發民廣皇城東北  
盜賊錢滿三千者死 隅 罷遞夫募卒以代之

二月庚寅初令文班常叅官舉幕職令錄有罪連坐  
詔百官轉封 河東寇潞晉二州守將擊走之

三月初令大辟奏案刑部詳覆以止藩鎮專殺 留  
從劾卒養子紹鑑襲位四月衙將陳洪進誣紹鑑謀

歸兩浙執送江南立大將張漢思為留後 高保勗  
卒兄子繼冲襲位 五月增修大內 六月泰州屬

羌尚波于拒命 詔歸江南降兵數千 九月尚波  
于降 七月癸巳初定編勅二十條 周行逢卒子

保權襲位 十二月詔諸縣盜賊關訟事皆歸令尉  
鎮將唯得掌郭下 是歲周鄭王居于房陵 周保

權上言衡州刺史張 乾德元 正月命慕容延釗等將  
文表作亂來乞師 兵討文表未至文表為

湖南所擒二月延劍等至荆南高繼冲請舉族歸朝  
延劍等進克潭州三月拔岳州朗州周保推出生降兩  
道諸州悉平為荆湖路癸酉定常行杖法笞杖徒  
流各有數置義倉每稅一石別輸一斗四月行應  
天厯鑿講武池初置諸州通判以分節度使劉  
史之權或節度使有闕則以文臣權知諸州張漢  
思諸子謀殺陳洪進洪進廢漢思而代之六月初  
命朝臣知縣七月王全斌等擊河東俘數千人  
八月辛巳行新定刑統王全斌等攻河東樂平縣  
拔之置平定軍九月河東反契丹攻平晉軍守將  
拒却之十月庚辰詔天下造版籍及戶帖戶鈔  
十一月泉州留後陳洪進請內屬許之仍以詔諭江  
南甲子上始親祀圓丘配以宣祖大赦改元十  
二月甲申皇后王氏崩河東寇府州折德辰敗之  
勢初置形甲二集正月初聽選人四時參選不限冬  
稅簿子二集發民夫治郢州遠堤二月

李繼勲等攻河東遼州敗河東將郝貴超於城下遼州降三月河東將周審玉等來降四月乙卯改葬

宣祖及昭憲皇后於河南安陵乙丑初置參知政事六月河南北陝西蝗八月詔於京師及緣江

冬置榷貨務令商旅入金帛於京師執引詣緣江給茶九月丁德裕等攻廣南郴州拔之折德宸卒

以其子御勲知府州事自是世襲知府州西川主孟昶遣間使以蠟書遺河東謀連兵入寇十一月甲戌

命王全斌等將兵三萬自鳳州道劉光義等將兵二萬自歸州道伐西川十二月涼州來請帥詔以麴

彥饒為之王全斌等拔興州敗西川兵三正月劉於三泉獲其招討使韓保貞副使李進三光義等

拔夔州殺其節度使高彥儔王全斌等破西川兵於大漫天遂破利州及劔門又破西川并拔劔州擒

其知樞密院事王昭遠馬步軍都指揮使趙宗翰劉光義等拔萬施開忠遂五州西川主昶出降蜀地悉

平得州四十五為西川路 二月王全斌殺西川降兵二萬餘人於成都 三月蜀中盜賊羣起詔所在

討之 五月丙戌孟昶入見六月甲辰以昶為中書令秦國公太子大臣皆除美官庚戌昶薨 八月河

決陽武九月河決 四 正月丁亥詔丁德裕等將兵討澶州發兵治之 蜀中餘盜 二月羅彥環等敗

河東兵於靜陽 三月廢義倉 四月契丹豐州節度使于延來降 六月詔內侍年三十無養父方許

養一子 河決觀城 七月聽州縣官各置俸戶月輸錢五百 八月河決靈武遣韓重贊等發夫卒數

萬人塞決河 是歲初用和峴議 五 正月戊戌發餼以景表尺造律下王朴樂一律 內及鄴州民夫

數萬治河隄 三月丙辰河東石盆寨降 五星聚于奎 五月河東鴻唐寨降 六月戊午朔日食

丙子詔諸州通判鈐轄都監等毋得受節度使添給八月衛州河溢入城殺數百人 九月庚子李彝

興卒子光獻襲位 十二月 開寶元 正月甲午發畿

丙辰禁惡錢及行濫錢帛 內民夫治東京

城 丁未河東偏城寨將任恩帥衆來降 三月甲

辰鎮川秦破河東馬鞍山寨 五月丁未賜江南糧

十萬斛以救其饑 七月丙午鎮州秦河東烏玉寨

主胡遇帥衆降 河東王鈞卒養子繼恩立 八月

戊辰詔李繼勲等將兵擊河東九月庚子繼勲奏敗

河東軍於洞渦水口河東供奉官侯霸榮弑其主繼

恩平章事郭無為殺霸榮立繼恩弟繼元 十月丙

子吳越王錢俶遣其子惟喬入貢 十一月癸卯上

祀圓丘大 二 正月壬寅命使者十八人調軍食詣河

故改元 東行營 二月乙卯遣曹彬党進等先

將兵伐河東 甲子上發東京 三月乙未李繼勲

奏敗河東軍於太原城下 戊戌上至太原 辛丑

發諸縣民夫數萬赴城下 癸卯河東憲州判官史

昭文以州降 丙午決晉水灌太原 四月辛亥遣

海州刺史孫方進圍汾州 契丹救河東 己未何繼筠奏敗契丹於陽曲北擒其武州刺史王彥符五月癸未韓重贊奏敗契丹於定州北 甲申引汾水灌太原 戊子初令獄官於盛夏清滌租械貧者給食 甲午河東嵐州刺史趙文度降 丙午楊重勳折御勲來朝 閏月戊申劉繼元殺其平章事郭無為 己未徙河東民萬餘戶於山東會暑雨疾疫庚申分諸軍屯鎮潞士戌上南還 六月辛卯江南主煜遣其弟從謙入貢 癸巳上至東京 十月三契丹藏才干酋長王甲帥衆來降置豐州以處之 正月癸丑發畿內民夫數萬治河隄 四月辛卯朔日食 庚子詔開河北鹽禁聽通商收稅 置便錢務 七月丙辰減州縣官員數 上命江南主煜招諭廣南主劉鋹鋹不聽因其使龔慎儀九月己亥朔命潘美等將兵伐廣南 甲辰詔修完前世王陵為亂兵所毀者 乙卯潘美等破廣南兵拔富州十

月庚寅拔賀州十一月壬寅拔昭桂二州癸亥邊  
將破契丹於遂城十二月辛亥潘美等破廣南兵

拔連州癸巳發畿四正月癸丑潘美等拔廣南炎  
內民夫二萬治河隄雄二州二月己丑秦克番

馬擒廣南上銀廣南悉平得州四十一為廣南路  
詔以幕職州縣官闕多人少初令特放選仍聽超折

注擬五月乙未朔上御明德門諸將以練繫劉銀  
獻之釋以為恩赦侯王甲卒以其子承美知豐州

事自是世襲知豐州十月癸亥朔日食十一月  
己未上祀國丘大赦癸亥川班直四十人搥鼓訴

賞薄悉斬之河決澶淵泛五五月辛未河決濮陽  
數州澶州通判姚恕坐死五廢廣南媚川都

六月庚寅河決陽武汴決穀熟戊申命曹翰發民  
夫三萬六千卒一萬五千塞陽武決河又發卒夫數

萬塞濮陽決河八月己亥廣州秦破犀獠於容州  
九月丁巳朔日食十一月己未廣州秦破犀獠

於英州 正月癸酉發民夫治魏縣河堤 三月房  
大饑 六 州秦周鄭王殂 謚曰恭帝 四月癸丑初

選今錄簿尉為堂後官 五月己巳交趾丁璉始遣  
使內附授以官爵 六月癸未朔隰州秦將兵入河

東境拔 甲 七 二月庚辰朔日食 上詔江南主煜  
七塞 戊 八 入朝辭不至而繕完自守九月命曹

彬等將舟師自荆南沿江而下伐江南閏月己酉破  
江南兵丙辰拔池州十一月丙子破江南兵於采石

作浮梁濟江 契丹來請和命知雄州孫全興以書  
答之 十二月辛亥曹彬等破江南鄂州兵於江北

八 正月甲戌朔破江南兵於新林港 丁丑知晉州  
武守琦奏破河東兵於洪洞 二月壬戌曹彬奏

拔昇州闕城 三月己亥契丹初遣其臣克實克舒  
蘇入見 辛未吳越王俶拔江南常州 四月乙巳

王明破江南兵於江州 六月辛亥澶州秦河決頻  
丘發丁夫數萬塞之 七月辛未朔日食 庚辰初



遣郝崇信使于契丹 八月封丁璉父部領為交趾王 九月乙酉江南潤州降 十月丁巳治西京內

十一月辛未江南遣其臣徐鉉入見 乙未曹彬克金陵擒江南主煜江南悉平得州十九為江南路

# 太宗太平興國元年

正月辛未曹彬遣使獻李煜太祖釋以為違命侯 三月辛卯羣臣

三上表請加尊號太祖以燕晉未平不允 丁巳作禮賢宅以待吳越王俶已未俶入朝辛未辭歸 太

祖將幸西京壬申先饗太廟 丙子發東京 庚辰謁安陵 辛巳至西京 四月庚子零祀于圓丘

大赦 丙午東還 辛亥至東京 丙寅曹翰奏拔江州擒江南將宋德明 八月丙辰發兵伐河東九

月戊寅破河東兵 辛巳郭進奏得山後諸州民三萬七千餘口 十月癸丑太祖崩于萬歲殿皇弟晉

王昺即皇帝位 乙卯大赦李光叡奏破河東兵保寨 詔諸場務不聽人添額置撲 十一月戊辰罷

天下俸戶 十二月甲寅 二月擢進士呂蒙正等  
上御乾元殿大赦改元 二 百三十三人及第皆除

京官通判以興文教授武事 二月廢江南鐵錢悉  
用銅錢 庚子上改今名 初置江南榷茶場 四

月甲午置威勝軍於亂柳 乙卯葬太祖于永昌陵  
七月河決溫縣又決榮澤又決頓丘發夫卒塞之

諸道大水 發潭州兵擊梅山洞蠻 八月丙寅  
陳洪進入朝 初令藩鎮支郡悉屬京師長吏得專

奏事 九月丁酉詔私鑄小錢 三 正月甲午詔絳州  
者死 十一月丁亥朔日食 三 浚汾河 發唐鄧

民夫數萬人及諸卒萬人開曹渠自襄漢抵京師渠  
成而水不行 二月丙辰朔秦州奏西羌寇邊使者

任德明將兵擊走之 三月己酉吳越王俶入朝  
四月己卯陳洪進獻所有州二 庚辰懷州秦河決

獲嘉發夫卒塞之 五月吳越王俶表獻所有州十  
三為兩浙路 壬寅李光弼卒子繼筠襲位 戊申

秦州判官李若愚之子飛雄謀反族誅 六月汴渠  
決寧陵詔發宋亳民夫塞之又發畿內民夫塞汴口

十月置內藏庫掌藏經費之餘以待非常之用  
河決靈武發夫卒塞之 十一月丙申上祀國丘配

以太祖大赦 是歲 四 正月庚寅詔先遣潘美等將  
行太平興國編敕 兵伐河東二月甲子上自將

發東京三月庚辰朔至真定乙未分兵攻嵐州契丹  
救河東郭進邀擊大破之四月壬戌上發真定折御

御奏破奇嵐軍乙丑諸將破隆州已已破嵐州庚午  
上至太原壬申上幸城西督諸將攻城五月甲申河

東主繼先出降河東悉平得州十為河東路 庚子  
上發太原六月甲寅詔發河北京東芻粟赴北面行

營欲乘勝取幽州 庚申上發真定丁卯至易州刺  
史劉宇降戊辰涿州降 庚午上至幽州破契丹衆

于城北七月癸未督諸將攻城不克甲申班師乙巳  
上至東京 李繼筠卒弟繼捧襲位 八月癸亥詔

潘美將兵屯三交口以備契丹 汴梁決宋城發民夫塞之 九月河決汲縣乙酉詔何紹勅等將兵屯定州以備契丹 初聽銅錢入蜀 十月庚午闕南奏破契丹於遂城西徐鮑二水間 十一月己亥嵐州奏破契丹於三交 五 正月發民夫治衛澶濮三州口 闕南奏破契丹 二月苛嵐軍奏雜虜二百五十戶內屬 三月癸巳代州奏破契丹殺其侍中蕭咄李禽馬步軍都指揮使李重誨 閏月三交奏雜虜二百餘戶內屬 四月戊子代州奏雜虜二百餘戶內屬 上以丁璉阻兵專地七月丁未遣孫全興等將兵討之 十月戊寅命楊重進等將兵屯國南蔡玉等將兵屯定州盧漢贊等將兵屯鎮州以備契丹 丁璉卒弟璠尚幼大將黎桓幽丁氏宗族專制國事十一月桓以璠表求襲兄位稱藩入貢不報 已酉上以契丹數為寇自將擊之壬子發東京癸丑闕南奏破契丹戊午上至大名雄州奏契丹

通去十二月庚辰上南還乙酉至東  
六 正月辛亥易  
京 辛卯交州行營秦破交趾兵 州秦破契丹

兵 三月壬戌交州行營秦破交趾兵於白藤江口

五月己未以歲旱大赦 六月丙子平塞軍秦破

契丹兵 七月丙午詔諭渤海共擊契丹 九月乙

未朔日食 丙辰易州秦破契丹兵 詔郭贄等考

校在京京朝官功過材器遇中書湏人送贄等定差

十一月辛亥上祀圓丘大赦 孫全興為交趾所

敗丁巳 七 三月癸巳朔日食 丁璿遣使謝罪 四

坐誅 月貶盧多遜及秦王廷美連坐者甚衆

五月辛丑高陽關秦破契丹於唐興口 己酉李繼

捧入朝詔遷其族于京師具弟繼遷叛入地斤澤

辛亥三文秦破契丹 己未府州秦破契丹於朔州

六月河決臨濟 初置譯經院 七月河決濟口

八月己卯罷紉南推酤 十月夏州秦擊李繼遷破

之 河決武德 行乾元厯 十二月戊午朔日食

閏月庚寅豐州秦契丹錫里等十一族七萬餘帳內附王承美擊契丹破之禽其節度使哥德八

二月戊子朔日食三月豐州秦破契丹兵分三

司各置使五月河決房村灌漑濮曹濟諸州東南

流至徐州入淮發卒數萬民夫十餘萬治之黎桓

廢丁璿自稱交州三使留後始遣使入貢六月甲

午河南秦穀洛伊瀝水溢溺死者以萬計秋諸路

大水十月置都進奏院罷諸州知後官十二月

癸卯滑州秦房村決河已塞戊申宥州秦李繼遷

入寇擊走之是歲初命著作佐郎呂文仲侍讀經

史甲申雍熙元三月己未滑州秦河復決發卒數萬

人塞之羣臣請封禪四月甲午詔

許之五月丁丑乾元文明二殿災六月壬寅詔

罷封禪十月庚寅夏州秦擊李繼遷破之俘一千

四百餘帳獲繼遷母妻獨繼遷遁去十一月丁卯

上祀圓丘復配以宣祖大赦改元十二月壬辰立妃

李氏為皇后 悉 二 四月丁酉夏州行營奏破李繼  
罷嶺南采珠場 遷黨悉利族獲其代州刺史折

羅遇 六月辛卯麟州奏雜虜四十七族內屬皮羅  
賦等九十四族拒命擊破之 庚戌楚王元佐坐縱

火廢為庶人 十三 正月庚寅詔曹彬崔彥進將兵  
二月庚子朔日食 出雄州田重進將兵出飛狐二

月詔高麗王治發兵西會官軍壬子詔潘美楊業將  
兵出雲應朔州以擊契丹 三月癸酉曹彬破契丹

于固安新城降 丁丑田重進破契丹于飛狐北  
潘美自西陲入追契丹至寰州破之庚辰寰州刺史

趙彥辛降 辛巳曹彬拔涿州 潘美圍朔州節度  
副使趙希贊舉城降 癸未田重進破契丹禽其西

南面招安使大鵬翼 乙酉曹彬破契丹于涿州南  
丁亥潘美至應州節度副使艾正舉城降 辛卯

田重進圍飛狐防禦使呂行德舉城降 四月辛丑  
潘美拔雲州田重進破契丹于飛狐 壬寅曹彬米

信之師破契丹于新城東北乙卯田重進至蔚州  
左右都押衙李存璋舉城降五月存璋悉殺契丹師  
城中老弱來奔詔田重進還軍定州庚午曹彬  
等至岐溝關北為契丹所敗還軍易州上名彬等還  
丁丑詔徙雲應寨朔州吏民于河東許汝間六月  
戊戌朔日食秋契丹陷寨州潘美等敗於陳家谷  
楊業死契丹復據雲應朔州十月授黎桓官爵  
十二月己亥田重進奏拔岐溝關丙午劉廷讓  
與契丹戰于君四七月庚寅端拱元正月乙亥上耕  
子館全軍敗沒四置三班院端拱元籍田大赦改元  
四月癸巳詔緣邊戍兵無得輒恣侵掠務令安靜  
五月辛未賜李繼捧姓名趙保忠使還鎮夏州招  
討李繼遷十一月己丑鎮秦破契丹于唐河十  
二月辛未趙保忠言李繼遷請降以繼遷為銀州刺  
史繼遷二月丙辰上御乾元樓大赦大旱十月  
竟不至二月丙辰上御乾元樓大赦大旱十月



置入中倉 十二月庚申上命省去尊號曰皇淳化  
帝魚稱己為不可朕欲稱王但嫌與諸子同耳

元 正月戊寅朔改元 四月戊申夏州秦破李繼遷  
兵 五月辛卯置刑部詳覆官六員御史臺推勘

官二十員 八月趙保忠秦破李繼 二 正月丙子命  
遷於安慶澤又秦破繼遷於玉庭鎮 二 崔守素將兵

屯夏州助趙保忠守禦 三月己巳上以蝗旱欲自  
焚未幾而雨 五月乙巳置折博倉 六月乙酉汴

渠決浚儀上自督衛士負土塞之 亳州秦汴渠決東流 七  
宋城詔近縣民夫塞之

月李繼遷請降授以官爵賜姓名趙保吉 八月己  
卯置審刑院以覆大理所斷獄 十一月丙申朔詔

百官 三 二月乙丑朔日食 五月癸丑作祕書閣  
次對 三 六月丁丑黑風晝晦 辛卯置常平倉 十

月壬午命王沔等磨勘京朝官選人 四 正月辛卯上  
班行 十一月己亥許王元僖薨 四 祀圓丘初以

宣祖太祖並配大赦 二月己未朔日食 丙戌改  
磨勘京朝官院 青神民王小波等起為羣盜 三

月壬子發河北諸州戍兵萬八千人開河北緣邊塘  
泊種稻田命屯田使何承矩領之 五月戊子詔所

舉官改節者聽陳首 合三司復為一使 八月丙  
辰朔日食 十月河決澶州西北流入永濟渠浸大

名府 甲午五 正月趙保吉寇靈州詔李繼隆將兵擊  
城 午之趙保忠奏稱已與保吉解仇請罷兵

上怒命繼隆移兵擊之保吉徙綏州民於平夏左都  
押衙高文岷擊走之以綏州內屬四月保忠為保吉

所襲脫身走繼隆克夏州禽保忠送闕下保吉遠遁  
漢北乙酉詔廢夏州故城遷其民於綏銀等州 王

小波死其徒李順攻掠州縣遂陷成都僭稱尊號詔  
王繼恩等將兵討之壬寅行營奏官軍自小劔門入

拔劔州五月甲寅又奏破李順萬餘衆於老溪復闕  
縣巴三州 丙寅趙保忠入見釋之 戊辰西川行

營奏官軍克成都擒李順六月峽路行營秦執順餘黨蜀地悉平七月高麗王治為契丹所攻遣使乞

師上以北邊甫寧不欲興兵優詔遣之自是不復入貢中書以王繼恩有功奏除宣徽使上曰此乃執

政之漸八月置宣政使以授之趙保吉遣弟延信入貢謝罪詔撫納之八月初行淳化編敕九月

壬申至道元正月戊申朔改元甲子府州奏契丹入寇折御御破之於子河汭四月乙

酉雄州奏契丹入寇何承矩擊破之趙保吉訴屬羌掠其所部詔禁之六月丙戌上遣使諭保吉欲徙

鎮鄜州保吉不奉詔七月置江淮兩浙發運使八月壬辰立壽王元侃為皇太子大赦九月趙保吉寇

清遠軍詔復其姓名洛苑使白志榮部送芻糧為李繼遷所敗僅以身免十二月庚辰秋官正韓顯

符獻銅渾儀二正月辛亥上祀圓丘大赦五月癸置之司天臺卯李繼遷帥萬餘衆攻靈州發陝西

民運芻糧詣靈州渡沙磧為虜所殺掠及饑渴死者不可勝紀 七月壬子宋州秦汴渠決穀熟乙丑發

民夫塞之

命李繼隆等將兵自環慶延夏麟五路

擊李繼遷九月己卯王超范廷召奏敗繼遷於烏白

池繼隆等出塞十三

二月庚子靈州行營秦破李繼餘日不見虜而還 遷繼遷軍騎遁去 辛丑上不

豫三月癸巳上崩于萬歲殿太子即皇帝位四月乙未大赦尊皇后為皇太后 五月丁亥立夫人郭氏

為皇后

七月詔西邊將吏嚴烽堠李繼遷來則驅逐去則勿追以寬陝西之民 八月西川戍兵劉玘

作亂招安使上官正討斬之

十月丙午楊瓊秦破

李繼遷於合河鎮

己丑葬太宗於永熙陵 十二

月丙申追尊上母賢妃李氏為元德皇太后別立廟李繼遷請降復賜姓名趙保吉以夏綏銀宥靜五

州與之 是歲分天下為十五路其後又增三路



稽古錄卷十七

欽定四庫全書

稽古錄卷十八

宋司馬光撰

真宗咸平元年

正月辛酉朔改元三月壬申朔今饑民劫害者滅強盜法五月戊午朔日

食

七月丙戌朔初令惡民再犯徒三犯杖送軍頭司十月丙戌朔日食十二月丁酉朔令大辟疑者

具獄以聞

二二月催欠司秦自即位故逋欠物千餘萬釋繫囚三十餘萬漢蠻寇奉

節施藥巡檢侍其振討平之七月甲申詔外任官各給職田蠲其稅八月丙寅大閱於城東北步騎

二十萬九月庚辰朔日食癸卯傳潛奏破契丹於廩良路十一月丙戌上祀圜丘初以太祖太宗

並配大赦 契丹寇北邊上自將擊之 十二月甲寅發東京丙午幸澶州 己未知冀州張昊奏敗契丹于城南 甲子幸大名 丁未府州奏折御昌等擊契丹破之 傅潛等擁兵八萬屯定州畏懦不戰契丹遂寇祁趙遊騎至祁洛 三 正月己卯朔益州是歲置羣牧司總內外馬政 戌卒趙延順反殺鈴轄符昭壽遂知州牛冕奉都虞侯王均為主辛己陷漢州直抵劔門知劔州李士衡擊却之 康保裔與契丹戰於瀛州敗沒契丹遂自德棣濟河掠淄青而去庚寅范廷召等奏追契丹至冀州北大破之甲午上發大名 詔雷有終等將步騎八千討王均庚子上還東京 二月辛酉西川都巡檢張思鈞奏破王均復漢州乙丑均偽遁雷有終入益州為均所敗 三月戊寅朔日食 丙申雷有終奏破王均於彌牟鎮 四月乙卯改葬元德皇后 雷有終等敗王均於益州城下遂圍之 五月甲辰河決王陵



命內侍閻承翰等塞之 九月雷有終等克益州石  
晉追王均至富順監斬之 十一月壬子詔百官轉

對 四 二月丙寅詔舉賢良方正得查道王曙等 三  
月辛巳分川峽為四路 庚寅行儀天厯 四

月壬子初令審官磨勘京朝官引對 罷郊祀遷官  
六月省天下冗吏十九萬五千餘人 八月丙寅

趙保吉寇清遠軍九月乙亥陷之 庚寅詔陝西家  
出一丁克保穀保捷 辛卯曹瑋敗趙保吉於柳揆

川 乙卯 契丹入寇十月甲寅張斌敗契丹於長城  
口 乙卯 授西涼六合酋長蒲羅支官令討趙保吉 十

一月丙子王顯 五 三月己酉西邊奏趙保吉陷靈州  
奏契丹遁去 四月庚午初令軍職有闕即時

遷補不俟三年 置推場於雄州與契丹互市 契  
丹入寇 乙酉廣北邊方田以梗虜騎 五月壬寅

籍河南民丁為兵 六月壬申趙保吉圍麟州丁丑  
知州衛居實擊却之 七月甲午朔日食 詔以鹽

給施黔州蠻蠻請輸殺於邊 九月西蕃寇鎮戍軍  
知軍李繼和擊却之 戊申以終南處士种放為左

司諫直昭文館 趙保吉寇金明都監李繼周擊却  
之 十月戊寅初令州官同錄問大辟 十一月壬

寅上祀圓 六 四月夔州路轉運使丁謂奏生蠻入寇  
丘大赦 高州蠻田承進等擊破之 趙保吉寇

洪德蕃將慶香等擊破之 丙子契丹入寇已卯王  
繼忠與戰於望都南敗績 五月壬寅罷碓州推場

十一月初保吉陷西涼府潘羅支詐降襲擊保吉  
大破之保吉中流矢還死於靈州之境子德明襲位

甲辰景德元 正月丙戌朔大赦改元 已丑麟府路  
泰契丹約尼部長拔黃帥三百餘帳內

屬 癸卯石隰州秦河西四十五族內屬二月趙德  
明請降 三月乙酉朔魏能奏破契丹於長城口

已亥太后李氏崩 四月閻承翰奏自嘉山引徐河  
入沙河種稻於水北 五月命向敏中安撫西邊受

趙德明降與之議立條約 禮院奏以懿德明德二  
后並祔太宗廟從之 六月知鎮戍軍曹瑋奏敗西  
戎於石門川 潘羅支遣兄邦迪支入見 九月滅  
三司吏員 上聞契丹將入寇議親征寇準等請幸  
澶州 河決橫隴 閏月禮院奏殯明德太后於士  
地俟吉歲乃葬先作主祔廟 契丹統軍達蘭寇威  
虜順安軍保州契丹主及其國母寇定州遣使以王  
繼忠表授石普求和十月命麟府保州威虜北平軍  
引兵入契丹境以分其兵勢契丹寇瀛州 國信使  
奏潘羅支為密幫磁所殺西涼諸胡立其弟斯多都  
子明提入貢 十一月契丹攻瀛州知州李延渥等  
擊走之 詔德清軍吏民棄城保澶魏 庚午上發  
東京 甲戌契丹至澶州城下達蘭中連弩而死契  
丹引却 丙子上至澶州渡河登北城 戊寅契丹  
遣使求瓦橋關南之地上不許但約歲以絹二十萬

足銀一十萬兩遺之十二月庚辰朔日食契丹陷通利軍甲辰契丹復遣使請和願以兄禮事上上

許之自是不復為寇北鄙寧息二正月庚戌朔大赦

甲午上發澶州戍戍至東京二復置榷場於雄

霸州安肅軍五月別試河北舉人遭胡寇不及試

期者賜范昭等及第初以近邊閒田給弓箭手永

蠲其稅黎桓卒子龍錢立弟龍廷殺之自立七

月甲子增置博通墳典等科并賢良方正凡六科

九月癸丑趙德明始遣使入貢十月行農田三二

敕民間便之

十一月丁巳上祀圓丘大赦三月

丙子詔轉運使知州皆領勸農使併入內侍諸

司為入內侍省

京兆民李琰謀反并其黨族誅

萬七千餘口內屬四月乙未詔朝臣轉對已巳渭州秦密阿等族

臣多請伐之上曰未加弔恤而伐其喪豈王者所為

命邊臣撫安之

上自明德太后之喪雖從易月之

制自非凱旋郊廟不舉樂庫臣屢以為請戊戌始許  
之七月壬戌緣海安撫使邵瞻上邕州至交州水  
陸路圖上曰祖宗開疆如此其大慎守而已安用勞  
民以貪無用之土乎若封略之內有叛亂者則不得  
不除耳未幾黎龍廷請入貢上以年豐事簡九月  
庚戌詔庫臣不妨公務勿禁進從丁卯趙德明遣  
使獻誓表十月庚午朔授德四正月己未上發東京  
明官爵丁酉葬明德皇后丙寅至永安鎮丁卯  
謁諸陵二月己巳至西京己卯幸龍門辛卯發西京  
三月己亥至東京四月辛巳皇后郭氏崩五月  
丙申朔日食六月乙卯葬莊穆皇后宜州登海  
軍校陳進殺知州劉永規舉兵反七月丙寅陳進  
陷柳城遂陷柳州戊辰初令見任京朝官及三年  
方得磨勘遷官甲戌詔曹利用將兵討陳進乙  
亥黎龍廷遣其弟明昶入貢辛巳授龍廷官爵賜名  
至忠癸丑初置諸路提點刑獄八月陳進寇象

州九月壬申詔文武官降應折支者給實錢在朝  
六分在外四分甲申曹利用敗陳遣於武仙追至

象州斬之十月進餘黨數有育等陷  
貴州十二月曹利用追討悉平之  
**大中祥符元年**

正月乙丑皇城使秦天書降於左承天門鵠尾戊辰  
大赦改元發卒修東京外郭四月作玉清昭應

宮五月禁銷金等侈物自禁中始六月丁酉王  
欽若奏天書降泰山靈液亭十月辛卯上發東京

丁未至乾封庚戌登泰山辛亥祀上帝封玉牒壬午  
禪社首祭地祇癸丑大赦十一月丁丑還至東京

甲申謁太廟加上太祖二  
太宗謚諸路大稔  
犯賊與同罪七月丁巳

置糾察在京刑獄司黎雅州蠻拒命遣文思副使  
孫正辭等招安之十月詔州府軍監各置天慶觀

十一月乙卯上作文武七條賜外官三  
十二月契丹國母蕭氏卒遣使弔祭  
西路奏黎

至忠卒弟明提明昶爭立大校李公蘊發兵皆擊殺之自稱留後遣使入貢三月授公蘊官爵九月河

決白浮圖四正月丁酉上發東京二月癸丑次河中村塞之丁巳至寶鼎辛酉祀后土於雕上封玉

冊壬戌大赦戊辰自河中東還已卯次西京乙未至永安丙申謁諸陵四月甲辰朔至東京己酉謁太廟

五月乙未加五岳帝號七五月河決棣州鼎月壬申朔免南方兵丁身錢五正月河決棣州鼎

丙申朔日食九月丁亥作會靈觀十月戊午聖祖降延恩殿己未大赦閏月乙丑朔上聖祖尊號曰

上靈高道九天司命保生天尊大帝十一月甲辰詔增文武百官俸十二月戊辰作景靈宮丁亥立

德妃劉后六四月丙戌詔大辟情可憫者奏覆五為皇后月乙巳迎聖像入昭應宮八月尊老

君曰混元上德皇帝戎蠻寇涪井監討平之十月辛酉升元德皇后祔太宗廟十二月戊午朔日

食

甲寅七

正月壬寅上發東京丙午至真源己酉謁太清宮以應天府為南京二月辛酉

上還東京壬申恭謝天地大赦八月河決澶州發

夫卒塞之九月作會靈觀十月昭應宮成十

二月廣南奏八正月壬午朔上玉皇聖號曰太上開

交趾寇欽州元執符御厯含真體道玉皇大帝

大赦四月壬申夜榮王宮火延及朝元殿內藏九

崇文院六月己酉朔日食閏月己卯朔大赦九

五月趙德明攻慶州屬羌屬羌擊却之七月廣南

奏撫水蠻寇融州又寇宜州州兵擊却之八月已

卯行新編敕總當兩置勒斯查等寇伏羌寨曹瑋擊敗

之於三都谷斬首數千級九月戊辰初令京朝官

在外任者亦以年勞遷官天禧元正月庚戌上朝饗

十一月乙卯改來年元六廟辛亥祀天地

大赦二月丁丑初選諫官御史各六員不兼他職

專掌諫爭曹瑋奏討總當兩族破之京東西河北



河東陝西蝗 十一月二 正月下溪蠻彭儒猛寇辰  
曹瑋奏破果莊族平之 州州兵擊却之閏月知辰

州錢絳奏將兵討儒猛破之獲其子仕漢 有泉出  
拱聖營作祥源觀 五月彭儒猛請降 兩京訛言

有物如席帽夜飛入人家為妖人相聚操兵自衛  
喧噪達旦 八月甲辰立昇王受益為皇太子大赦 三

三月戊午朔日食 壬申慶州奏趙德明冠采遠寨  
官軍不利命曹瑋往安撫 寇準奏天書降乾祐山

中 六月乙未河決滑州城南灌澶濮鄆濟至徐州  
入淮 羣蠻寇辰澧鼎州 八月丁亥大赦 十一

月辛未上祀 四 正月宥州羌臘兒寇延州金明監押  
圓丘大赦 李士彬擊斬之 命馮守信發兵六

萬夫二萬餘人塞滑州南決河 二月丁酉秦已塞  
上不豫 四月丁亥黑風晝晦 六月丙申河復決

滑州西北 七月癸酉周懷政坐與御藥使朱能偽  
造符瑞謀殺大臣復用寇準事覺斬之遣中使詣長

安捕能殺使者擁兵走衆潰自殺上體小康九月丁卯大赦十一月庚午詔諸司事應取旨者

如故外自餘常事委太子與兩府於資善堂會議施行訖奏是歲天下戶九百七十餘萬口二千二百

七十萬五七月甲戌乾興元正月辛未朔改元二月餘萬五朔日食乾興元庚子朔大赦戊午上崩

于延慶殿太子即皇帝位遺詔尊皇后為皇太后軍國事權取太后處分已未大赦文武京朝官各遷

一資丁謂雷允恭計專權不令太后御殿但進文書入宮丁卯貶道州司馬寇準為雷州司戶連坐

者甚衆庚申雷允恭以擅移皇堂及盜山陵物伏誅丁謂尋亦貶官連坐者甚衆七月上始與太后

同御便殿垂簾聽政八月環州屬羌沁藏帥衆叛歸趙德明十月己酉募真宗于永定陵置勒斯齋數

與趙德明相攻十一月甲戌涇原奏置勒斯齋求內附十二月順州齋田彥晏寇施州



稽古錄卷十八

欽定四庫全書

稽古錄卷十九

宋司馬光撰

仁宗天聖元年

正月丙寅朔改元 景德校天禧用度裁減冗費 二月壬

戌省天下齋醮十存一二 三月甲申減諸宮觀清  
衡卒分隸諸軍 辛卯行崇天歷 初聽商旅入蜀

糧於邊者給錢及茶鹽礬藥於內地謂貼射 閏月  
甲午詔婦人有罪免配針工 庚子雷州司戶寇準

卒 田彥 甲子 十月新修三司成 十一月丁酉  
晏請降 子二 上祀圓丘大赦 乙酉立皇后郭

氏 三 八月涇原屬羌舉兵攻堡寨 十一月庚辰初  
令商旅入河北蜀糧者給香茶錢三物於權貨

務謂之三稅

**四**

正月知鎮戍軍王仲寶等討原州康奴族破之 二月戊申朔初置上御

藥供奉四人

五月壬午詔大辟有可憫及疑而奏

者雖不應奏法官毋得舉駁 閏月戊申初定江淮

發運司歲漕米課六百萬斛 六月京東西及河北

江淮以南大水 九月庚申初聽舉人能講三經者

特奏名 十月 **五** 五月趙德明寇金明都監李士彬

甲戌朔日食 擊敗之 七月丁巳詔發民夫三

萬卒二萬餘人塞滑州決河十月丙申 **六** 正月罷提

秦已塞 十一月上祀圓丘大赦 照刑獄

三月丙申朔日食 五月廣南西路奏李公蘊殺掠

鄉民六月己卯又奏公蘊卒 八月甲戌澶州秦河

決王楚發 **七** 正月曹利用貶官連坐者甚衆 六科

夫卒塞之 及武舉久廢閏月壬子復置之得富弼

等 癸未詔百官轉封 四月庚寅大赦 乙未置

萊州采金場辛亥授李公蘊之子德政官爵 五月

己巳行新令 六月丁未玉清昭應宮災 八月正月  
丁亥朔日食 十月丙午初舉縣令 八作會

聖宮於永安 八月庚子初令知縣通判兩任無  
私罪者得門升 十一月戊辰上祀圓丘大赦 九

正月減歲內田稅什之一 六月己卯契丹主隆緒  
卒子宗真立 十月施州言蠻覃彥紹寇永寧寨

明道元 二月丁卯以上母順容李氏為宸妃是日薨  
三月戊子行天聖編敕 八月壬戌夜禁

中火焚崇德等八殿癸亥上與太后寓居延福宮更  
修大內丁卯大赦 十一月大內成甲戌上恭謝天

地于天安殿謁太廟大赦改元文武京朝官各遷一  
資 壬辰延州言趙德明卒癸巳授其子元昊官爵

二 二月乙巳太后服袞衣儀天冠朝饗太廟 丁未  
上籍田于東郊大赦 三月太后有疾庚寅大赦

甲午太后崩遺詔尊皇太妃楊氏為太后軍國大  
事與太后內中裁制諫官上言上春秋已長不應復

使政出宮壺四月丙申朔詔刪遺詰之語壬寅追尊故宸妃李氏為皇太后壬子詔宗戚毋得于禁

中道表奏祈恩澤凡傳宣內批有司未得即行皆審取處分癸丑罷上御藥官出副都知江德明等子

外州六月甲午朔日食七月京東西河北河東陝西蝗草木殆盡作奉慈廟別祀莊獻莊懿太后

刑獄十月丁酉莫莊獻莊懿太后十二月復置提點乙卯皇后郭氏請入道許之賜號淨妃丁

已詔改明年甲戌景祐元七月河決橫隴趙元昊元大饑戊戌景祐元七月河決橫隴趙元昊

兵敗為元昊所執既而遣還八月戊辰上不豫辛未大赦壬申出美人尚氏楊氏九月上良愈甲辰

立皇后曹氏十月庚申罷江淮制二理李照言國置發運使命淮南轉運使兼領之

朝所用王朴樂比古樂高五律比胡樂高二律其黃鍾才應仲呂請更定新樂許之五月甲午廣南東



西路奏伏獠寇高竇雷化等州庚子禮院言太祖  
太宗真宗廟皆萬世不毀其祀天地太祖定配太宗  
真宗迭配從之六月乙亥廣南西路奏伏獠莫陵  
降七月李照作新樂成用今尺為律其言迂誕罷  
之更命鎮東節度推官阮逸進士胡瑗議定新樂  
八月壬子朔詔寬強盜刑名戊辰罷塞橫隴洮河  
自是河東北行不復歸故道詔句當御藥院自今  
選內臣入仕三十年以上累有勞績者為之已酉  
作睦親宅以聚皇族詔中丞杜衍等沙汰三司吏  
十月辛亥朔作朝集院以處朝士在京師者十  
一月戊子故后郭氏薨乙未上祀圓丘大赦初  
聽宗室換南班官十二月壬子授置勸斯養官癸  
丑詔內侍都知押班落職者毋得復任其見任  
者毋得句當皇城司親戚毋得句當御藥院三月  
三司吏數百擁杜衍宅投瓦礫肆醜言乙卯流後行  
二人於沙門島二十餘人於遠州五月丙戌以范

仲淹離間居臣勝朝堂集賢校理余靖等坐貶者數人辛卯復令商旅入錢京師給南方茶入芻糧於

邊者給京師及諸州錢丙午詔罷塞橫隴河口更治金隄七月乙未初置太宗正司以宗室領之

庚子太平興國寺災延及開先殿既逸等所議尺律考之古今終不合九月悉罷之十一月戊寅保

慶太后**四**二月己酉樊莊惠皇后七月戊申夜衆楊氏崩星西南流數刻乃止冬忻代并三州地

震壞廬舍忻州尤甚覆壓死者萬九千餘人民皆露處或地裂湧泉出火連年不止是歲天下戶一千

六十餘萬口二千**寶元元**二月廣南西路秦安化軍三百二十餘萬蠻寇融宜州八月丁卯

復置江淮制置發運使九月己酉廊延路奏趙元昊叔父山遇等請以河南北內屬具言元昊反狀郭

勸執還之十月甲戌元昊自稱大夏皇帝改元天授禮法延祐十一月庚戌上祀圓丘大赦改元

十二月丙寅鄆延路秦趙元昊遣使奉表納旌節敕告詔削元昊官爵除屬籍發兵備西邊癸酉進置勒斯

資官使二正月癸亥廣南西路秦安化州蠻降五擊元昊二月癸卯詔張若谷等減省冗費十二月

元昊寇保安軍延州鈴轄盧守懃等擊却之康定元環慶鈴轄高繼隆等攻元昊後橋寨破之

正月丙辰朔日食元昊寇延州破金明寨執都監李士彬遂圍延州甲戌大敗官軍於三川口執劉平

石元孫會大雪解圍去詔陝西諸州悉完城為守備二月丙午改元三月丙子黑風晝晦五月

有輦官千餘人應戍邊遮兩府馬誼呼不遜張士遜馬驚墜地詔斬二人流二十餘人元昊陷塞門安

遠寨六月甲辰詔陝西河北河東京東京西皆籍民為鄉弓手強壯九月丙寅元昊寇鎮戎軍三川

寨丁卯敗都監劉繼宗等陷乾溝乾河趙福三堡庚午任福襲元昊白豹城克之破四十一族浙東

軍士鄂郝等殺巡檢使張懷信剽掠州縣逃入海  
十月戊子詔自今有內降遷官并差遣者令中書樞  
密院執奏十二月乙巳詔鄜延涇原兩路  
以正月上旬出兵擊元昊巴蜀江浙饑

稽古錄卷十九

欽定四庫全書

稽古錄卷二十

宋 司馬光 撰

慶曆元

正月壬戌遣使十五路安撫 范仲淹言乞留鄜延一路毋出兵以招元昊夏竦言如此

則涇原兵難以獨出議未決二月元昊寇渭州任福大敗於好水川福及將佐死者甚衆 己亥豫王昕

薨

初令諸州募置宣毅軍合十餘萬人 七月壬戌置萬勝軍二十指揮 戊辰元昊圍麟州府八月

退陷寧遠寨又圍豐州乙未陷之殺知州王餘慶初令陝西行鐵錢未幾并河東亦行之 聞契丹謀

入寇十月初治河北諸州城 甲午罷陝西都總管經畧安撫招討使分緣邊為秦鳳涇原環慶鄜延四

路命知秦渭慶延州者領之 十一 二月初令河北  
一月丙寅上祀圓丘大赦改元 十二 大修邊備 乙

未詔選河北強壯為義勇三月乙卯選河東鄉弓手  
為義勇教陝西鄉弓手為保捷凡一百八十五指揮

乙巳契丹遣其臣蕭特剌六符來求闕南地 四  
月戊寅命賈昌等減省浮費 庚辰遣富弼使于契

丹 五月戊午以大名府為北京 契丹大集兵于  
幽州庚申置京東兩路安撫使命知青鄆州者領之

遺銀絹各十萬兩匹九月乙丑契丹遣其臣耶律仁  
先劉六符來致誓書修好如初 閏月元昊寇鎮戎

軍已知葛懷敏將兵出禦之壬辰懷敏大敗於定州

寨懷敏及諸將死者甚衆虜深入至潘原大掠而 三  
去 十月詔將校戰死妻女無依者養之禁中

正月辛未鄂王曦薨 癸巳鄜延奏元昊遣其臣賀  
從鼎上書自稱男邦尼弔國烏珠曩霄上父南朝皇

帝請通和朝廷以其名分未正遣著作佐郎邵良佐與從勗俱至其國更議之五月丁卯朔日食戊

寅詔轉運使皆領按察使歲具官吏能否以聞丁亥初置武學於武成王廟京東奏虎翼卒王倫等

殺忻州巡檢使朱進為羣盜轉掠京東淮南州縣七月甲戌初聽庫臣遭父母喪不以文武品秩高下

並解官持服閤門祇候傅永吉等追討王倫至和州斬之九月丁卯上召知雜御史以上於天章閣

問以禦戎之策十月戊戌光化軍宣毅軍校邵興等逐知軍韓綱帥衆亡趣興元築順德軍水洛城

十一月丙寅上清宮火供奉甲申四正月丙子官陳曙等擊邵興於壻水擒之申南環州進

士歐希範立蠻酋蒙趕為王攻陷本州及鎮寧州殺官吏三月乙亥詔諸州皆立學以錫慶院為太學

尋罷之五月丙戌元昊始遣使稱臣自號夏國王常寧蠻鄧文志等寇桂陽監殺都監巡檢六月文

志等詣潭州降 丁未開寶寺塔災 七月癸未契丹遣使來告以舉兵討元昊 八月甲午保州雲翼

軍士殺知州通判奉都監韋貴為主乘城拒守命田况招諭且發旁近兵討之甲寅城中兵皆出降况阮

其難存者四百餘人 朝廷許元昊稱夏國主歲賜銀絹茶絲合二十五萬五千元昊乃獻誓表十月庚

寅賜詔答之 契丹駙馬劉三墩來奔甲午詔械送還之 十一月甲子監進奏院蘇舜欽等坐宴會除

名館閣連坐者甚衆 壬午上祀圓丘大赦 十二月乙未冊命元昊為夏國主更名曩霄 築原州細

腰 五 正月罷河東陝西招討使 詔選汰諸路羸弱城 兵京東西淮南兩浙荆湖福建諸州宣毅過三

百人者毋得更募 三月廣南西路轉運使杜杞誘歐希範蒙趕及其黨六百餘人悉屠之 十月辛酉

升莊獻莊懿皇后附真宗廟大赦 以諸路按察使競為苛察罷之 自真宗東封以來不復出獵直集



賢院李東之言講武不可廢庚午上始校獵于楊村

十一月歐希範餘黨唐和等寇桂陽監殺禮賓副

使胡元徐州人六三月辛巳朔日食登州岬岬

孔直溫等謀反誅山震十日不止十一月廣南

東路奏唐和七正月行慶厯編敕五月唐和等請

寇英韶州降九月作廣親宅以處秦王子孫

十一月戊戌上祀圓丘大赦是日貝州宣毅王

則執知州張得一殺官吏據城反自稱東平王國號

安陽改元得聖十二月壬寅詔發旁八正月辛未夏

近兵討之庚戌以明鎬安撫河北主曩霄為其

太子寧陵噶所弑國人殺寧陵噶立其弟諒祚丁丑

以文彥博為河北宣撫使閏月辛丑彥博奏克貝州擒

王則送京師誅之親從顏秀等作亂夜殺軍校入

禁中所傷宮人捕得誅之三月甲寅上幸龍圖天

章閣問御史中丞以上以天下利病得失又御迎陽

門召知制誥以下至臺諫官問之四月辛卯初置

河北四路安撫使命知大名真定府瀛定州者領之  
六月癸酉河決商胡乙未初令陝西以大銅錢

一當常錢三小鐵錢三當常錢一七月并河東小鐵  
錢如陝西用之十月壬午以美人張氏為貴妃

十二月乙丑朔詔改明年元丁日詔河北緣邊入  
芻糧者加給南鹽謂之四法是歲河北大水饑人

相食流皇祐元正月甲午朔日食三月己未契丹  
呼甚眾遣使來告以再討夏國九月乙巳

廣南西路奏廣源州蠻寇邕州十二月壬戌詔陝  
西保捷年五十以上及短弱者皆聽還農是歲簡

汰天下羸兵二春男子冷青詐稱皇子伏誅五月  
無慮八萬人丙申罷國信三番使臣丁未廣南

西路奏交趾攻廣源州蠻酋儂智高九月辛亥上  
大饗明堂合祀天地祖宗並配從祀悉如圓丘大赦

文武京朝官各遷一資閏月丁巳詔兩府兩制太  
常禮樂官共定大樂戊辰王舉正留班諫張堯佐

恩命三 二月己亥詔河北緣邊入芻糧者並給見錢  
大重 於京師如景祐法 三月僊智高請內屬弗

受 七月辛酉河決館陶郭固口 正月乙亥塞郭  
十月己卯朔詔解鹽聽通商 四 固河口二月又

議開六塔河以分水勢 四月僊智高襲陷橫山寨  
五月乙巳朔陷邕州殺知州陳珙等自稱仁惠皇帝

改元啓歷引兵沿江東下癸丑陷橫州兩辰陷貴州  
庚申陷襲州辛酉陷藤梧封州壬戌陷康州癸亥陷

端州丙寅攻廣州不克七月壬戌解圍西還攻賓州  
不克與廣南東路鈐轄張忠戰于白田忠敗死九月

戊申襲殺廣南東路鈐轄蔣偕於太平場又敗廣南  
西路鈐轄王正倫于館門驛遂陷昭州庚午命狄青

將兵討智高丁丑智高陷賓州甲申復入邕州 十  
一月壬寅朔日食 交趾李德政請發兵二萬助官

軍討僊智高 十一月壬申朔智高敗廣南西 五 正  
路鈐轄陳曙於金城驛 壬辰王洙等獻新樂 月

丁未詔止交趾毋出兵 己酉狄青至賓州斬陳曙  
丁巳會靈觀火 戊午狄青與僂智高戰於歸仁鋪  
大破之智高棄邕州奔大理 陝西轉運使范祥城  
占渭州青唐羌寇之攻破廣吳嶺堡團啞兒峽寨命  
劉渙將兵擊破之 甲子奉太祖太宗真宗御容於  
滌并瀘三州神御殿閏月戊辰朔詔自今內侍黃門  
以上毋得過一百五十人 十月丙申朔日食 十  
一月己巳上祀國丘大赦 以曹滑陳許鄭州為輔  
郡 開封府田稅永減三分 十二月丁酉廣南西  
路奏獲僂智高母及子弟 癸丑詔內侍都知押班  
須年五十以上歷任 甲至和元 正月癸酉貴妃張  
無賊私罪乃得為之 午氏薨丁丑追冊為  
溫成皇后 三月庚辰改元 四二 四月契丹主遣  
月甲午朔日食 辛丑祥源觀火 二 使其畫像來  
獻求易御容以代相見篤兄弟之情 辛亥初罷諸  
鄉里正豫以資產排鄉戶衙前 僂智高死於大理

六月乙巳誅其母及子弟 八月己丑契丹主宗真卒子洪基立 辰州蠻酋下溪州刺史彭仕義之子

師寶來奔荆湖北路轉運使李肅之等以為鄉導擊仕義不克自是仕義數入為寇十月癸丑詔本路發

兵討之 李德政卒十一月乙亥授其子日尊官爵

十二月戊子命殿中丞李仲昌開六塔渠導河入

橫隴 嘉祐元 正月甲寅朔上不豫甲子大赦 二月故道 甲辰小瘳御延和殿 四月壬子朔李

仲昌等塞商胡河北流使悉東入六塔是夕復決如故自是朝廷但治西堤以衛北京及契丹國信路不

復治東堤 詔罷乾元節奏蔭恩創自餘亦省之五月京城大水折安上門闕壞官私府舍命兩府分

行諸門禦水江河皆溢河北水災尤甚 八月庚戌朔日食 罷陝西小鐵錢 九月辛卯上恭謝天地

于大慶殿大赦改元 癸二 二月麗籍上言西夏累年詔作木岸以狹汴水 歲侵耕屈野河西地請

禁河東陝西與之和市從之五月庚辰夏國寇府州  
敗官軍於斷道橋求管勾麟府軍馬郭恩執走馬承  
差黃道元既而遣還壬寅初令文武京朝官母得  
自乞磨勘歲滿委審官三班舉行八月丁巳詔自  
今登制科者母得引舊例超擢丁卯初以戶絕田  
所收置廣惠倉以備窮乏九月契丹復遣使以新  
主畫像來求易御容許之十月甲辰朔初頒歷令  
十二月戊申詔自今間歲一開舉場初置明經科  
裁損進士高三正月戊戌穿永通河於京城西八  
第人思例三月己亥朔日食官軍討彭仕義久  
不克遣使招諭之庚申荆湖北路秦仕義歸所掠請  
降十一月己丑罷三司河渠司置都水監庚寅  
初令汴船毋四正月丙申朔日食丁酉詔以雪寒  
得出外江遣官賜京城貧民錢二月己巳詔  
開江淮茶禁聽民自賣通商收稅罷十三山場六榷  
務庚午廣南西路秦交趾寇欽州命官編校館

門書籍 癸未詔陝西大銅鐵錢並當常錢之二  
癸酉詔以崇氏子為崇義公奉周祀 十月癸酉上

及諸軍牧馬所用餘田賦貧民耕種 五 春韓贊穿二  
股渠分河流

入金赤河 四月丙戌詔均天下田稅 五月丁酉  
置寬恤民力司 六月邕州蠻引交趾兵入寇 知

唐州趙尚寬始勸民墾闢荒田諸路民多歸之 八  
月甲申初置陝西鹽馬司 乙酉罷提點刑獄武臣

六 五月丙戌賜諸路所敦遣行義之士顏復等出身  
庚戌詔禁契丹於界河內捕魚 六月壬子朔

日食 九月丁丑城故豐州 十月壬辰以太宗尊  
孫右衛大將軍岳州團練使宗實知宗正寺固辭不受

七 正月乙亥詔以太祖定配圓丘 四月壬午行嘉  
祐編敕 八月丙子詔以右衛大將軍宗實為皇子

復固辭不許辛丑始入宮 九月辛亥上大饗明堂  
祀昊天上帝以真宗配慈去圓丘從祀大赦 十月

乙酉廣南西路秦火峒蠻懷宗旦等請內屬  
乙未詔以錢一百萬緡賜諸路常平倉為糴本  
癸未上不豫三月辛未崩于福寧殿  
子即皇帝位遺詔尊皇后為太皇后癸酉大赦文武  
京朝官各遷一資  
乙亥上不豫已卯詔請太后權  
同聽政御內東門小殿兩府奏事  
己亥立皇后高  
氏  
五月戊辰上御延和殿  
六月癸酉復以疾不  
出  
甲戌廣太廟為八室  
七月壬子上始御紫宸  
殿  
十月甲午葬  
仁宗于永昭陵

英宗

甲辰

治平元年

正月丁酉朔改元

辛酉以仁宗代

真宗配明堂

四月甲午上始出幸

寺觀

祈雨五月戊申上始日御前後殿視事如故事

睦親廣親宅教授舊六員六月己亥增置講書教

授凡二十一員

夏國寇抄屬羌

十一月二三月

乙亥詔剽陝西農民為義勇無慮十四萬人  
二三月



行明天歷八月京城大水入宮殿壞公私屋溺死者千五百餘人十月己亥响所囉卒子董連襲位

十二月壬申上祀圓丘大赦甲申初聽娶宗室女者除文官委主婚者訪問家世不復使內侍省覆

驗三正月癸酉契丹改稱大遼國壬午臺諫官呂誨等坐論執政欲追尊濮王事貶出者甚衆

三月壬午舊見西方其本大如月九月壬子朔日食癸亥初令待制以上六歲一遷官至議諫止京

朝四歲一遷至前行郎中止少卿監以七十為定員有缺則補其擢任及有功若特恩皆不用此法夏

國寇太順城朶遠寨十月癸未遣西京左藏庫副使何次公齎詔責之夏主諒祚謝罪稱邊吏所為丁


亥詔自今三年一開舉場命郭達宣撫西邊十一月戊午上不豫十二月壬寅立賴王頊為皇太子

子癸卯赦天下是歲天下戶一千四百正月辛亥詔二百九十餘萬口二千九百餘萬四民間先私造

寺觀及三十間者悉存之賜名壽聖丁巳上崩于福寧殿太子即皇帝位遺詔尊皇太后為太皇太后皇太后為皇太后

右臣於神宗皇帝時所進國朝百官公卿表大

事記



稽古錄卷二十